

Na osnovu člana 72. Zakona o javnim nabavkama („Službeni glasnik BiH“, broj 39/14), a nakon provedenog otvorenog postupka, te na osnovu Odluke o izboru najpovoljnijeg ponuđača, broj: 11/01-14-39044.6/18/19 od 7.2.2019. godine kojom se prihvata ponuda ponuđača „TRIGLAV OSIGURANJE d.d. Sarajevo kao najpovoljnija, zaključuje se:

UGOVOR O PRUŽANJU USLUGA

Zaključen dana, 27.2.2019. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministrica mr. Zineta Bogunić (u daljem tekstu: Naručilac usluga) i

2. „TRIGLAV OSIGURANJE“ d.d. Sarajevo, ulica Dolina broj 8, IDB 420024747003 kojeg zastupa direktor Edib Galijatović (u daljem tekstu: Pružalac usluga).

I - PREDMET UGOVORA

Član 1.

Predmet ugovora je pružanje usluga osiguranja imovine od svih rizika All Risk pokriće osiguranja imovine tj. osiguranje „SVIH RIZIKA“ imovine „All RISK PD“ (Property Damage), a u svemu prema prihvaćenoj ponudi Pružaoca usluga broj: 01-1263/19 godine od 29.1.2019. godine, koja čini sastavni dio ovog Ugovora.

Član 2.

Ugovor se zaključuje na period od 1.1. do 31.12.2019. godine.

II - CIJENA

Član 3.

Ukupna vrijednost ugovorenih usluga iz člana 1. ovog Ugovora, ne može preći iznos budžetskih sredstava planiranih za ovu nabavku u 2019. godini, uz ukupnu cijenu od 145.000,00 KM (slovima: stotinučetrestpethiljada KM), koja je navedena u prihvaćenoj ponudi.

III - NAČIN PLAĆANJA

Član 4.

Ugovorne strane su saglasne da se plaćanje vrši na sljedeći način:

Pružalac usluge će ispostaviti policu osiguranja sa računom za ugovorene usluge u ukupnom iznosu, te naznačiti rate i datum dospjeća plaćanja istih.

Naručilac će plaćanje ugovorenih obaveza Pružaocu usluga izvršiti u roku od 30 (trideset) dana od dana dospjeća svake pojedinačne rate za ugovorene usluge.

Naknadu za izvršene usluge, Naručilac je dužan uplatiti na transakcijski račun Pružaoca usluga broj 1327310012556391 otvoren kod NLB banke.

Pružalac usluga je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a

Pružalac usluga primio uplatu s odgodom od jednog ili više dana od ugovorenog roka iz stava 1. ovog člana.

IV – PRIJAVA OSIGURANOG SLUČAJA

Član 5.

Prijava osiguranog slučaja se vrši na način da svaka škola potpisinica Sporazuma o provođenju postupka javne nabavke prijavljuje direktno osigurani slučaj Pružaocu usluga.

V - MJESTO PRUŽANJA USLUGA

Član 6.

Mjesta pružanja usluga navedena su u prilogu ovoga Ugovora, na način kako je definirano u tenderskoj dokumentaciji.

V - GARANCIJE

Član 7.

Pružalac usluga je obavezan u roku od 7 (sedam) dana od dana potpisivanja ovog Ugovora dostaviti Naručiocu usluge bezuslovnu bankovnu garanciju za uredno izvršenje ugovora u visini 10 % od vrijednosti Ugovora.

Iznos garancije za uredno izvršenje ugovora, će biti plativ Naručiocu usluga kao kompenzacija za bilo koji gubitak koji bi bio prouzrokovan ako Pružalac usluga ne uspije izvršiti obaveze prema ovom ugovoru.

Bankovna garancija mora glasniti na valutu ovog Ugovora. U tekstu garancije mora stajati obaveza banke da će na prvi poziv korisnika garancije (Naručioca usluga) bezuvjetno i bez prigovora isplatiti bilo koji iznos, a najviše do iznosa garancije.

Ukoliko Pružalac usluga ne dostavi bezuslovnu garanciju u roku utvrđenom u stavu 1. ovog člana, smatra se da je Ugovor raskinut krivicom Pružaoca usluga, a vrijednost bankovne garancije za ozbiljnost ponude Naručilac usluga zadržava u svoju korist. Period važenja garancije za uredno izvršenje ugovora je period važenja ugovora + 90 (devedeset dana). Iznos garancije za uredno izvršenje ugovora bit će plativ Naručiocu usluga kao kompenzacija za svaku štetu i troškove koji bi nastali ako Pružalac usluga ne izvrši obaveze koje proizilaze iz ovog ugovora.

Naknada štete koja bi se namirila po osnovu realizacije garancije iz stava 1. ovog člana, ne oslobađa Pružaoca usluga odgovornosti za namirenje potpune štete, prema odredbama Zakona o obligacionim odnosima, ukoliko je visina štete veća od iznosa koji se može dobiti usljed realizacije garancije.

Ukoliko ne nastupi ni jedan slučaj koji bi zahtijevao realizaciju garancije za uredno izvršenje ugovora, Naručilac će po konačnoj realizaciji Ugovora izvršiti povrat bezuslovne bankovne garancije.

VI — OBAVEZE PRUŽAOCA USLUGA

Član 8.

Pružalac usluga obavezuje se da će ugovorene usluge izvesti blagovremeno, stručno i kvalitetno, a u skladu sa tenderskom dokumentacijom i prihvaćenom ponudom.

Pružalac usluga obavezuje se da neće umanjiti iznos osiguranja za navedeni period ugovornog odnosa.

Član 9.

Pružalac usluga se obavezuje da, u svrhu izvršenja ovog ugovora, neće zaposliti niti jednog člana Komisije za javne nabavke, koja je formirana od strane Naručioca, a nadležna za dodjelu ovog Ugovora, najmanje 6 (šest) mjeseci po zaključenju istog.

VII - OBAVEZE NARUČIOCA USLUGA

Član 10.

Naručilac usluga se obavezuje da ukupnu vrijednost ugovorenih usluga iz člana 3. ovog ugovora, isplati na način i u roku predviđen u članu 4. ovog Ugovora.

Član 11.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim ugovorom, a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

Član 12.

Ovaj ugovor je sačinjen je u 6 (šest) istovjetnih primjeraka od kojih Naručilac usluga zadržava 4 (četiri), a Pružalac usluga 2 (dva) primjerka.

Član 13.

Ovaj Ugovor stupa na snagu danom potpisivanja ugovornih strana.

PRUŽALAC USLUGA

DIREKTOR:

Edib Galijatović

Broj: 01- 3872/19

Datum: 8.3.2019. godine

NARUČILAC USLUGA

MINISTRICA

Mr. Zineta Bogunić

Broj: 11/01-14-39044.11/18/19

Datum: 27.2.2019. godine